

**Isiginnaartitsisarfeqarneq pillugu Inatsisartut inatsisaata allanngortinnera pillugu
Inatsisartut inatsisaat nr. 18, 12. juni 2019-imeersoq**

(Kalaallit Nunatta Isiginnaartitsisarfianni siulersuisut ilaasortassaannik
inassuteqarsinnaatitaanerup allanngortinneqarneq aamma atorfinitsitaanermut tunngasut
pillugit aalajangersakkamik ilanngussineq)

§ 1

Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq
imaattunik allannguuteqarpoq:

1. § 4, imm. 2, ima oqaasertalerneqassaaq:

“ Imm. 2. Naalakkersuisut inassuteqartoqareerneratigut ilaasortassanik imatut toqqaassapput:

- 1) Ilaasortaq ataaseq SILA-mit, Kalaallit Nunaanni Isiginnaagassiortut Peqatigiiffiannit,
inassuteqartoqareerneratigut toqqaarneqassaaq,
- 2) ilaasortaq ataaseq kommunit peqatigiillutik inassuteqareernerisigut, taamaattoq tak. imm.
4,
- 3) ilaasortaq ataaseq Kalaallit Atuakkiortut inassuteqareernerisigut,
- 4) ilaasortaq ataaseq Sulisitsisut inassuteqareernerisigut, aamma
- 5) ilaasortaq ataaseq Nunatta Isiginnaartitsisarfianni sulisunit inassuteqartoqareerneratigut.”

2. § 4, imm. 4, ima oqaasertaqassaaq:

” Imm. 4. Kommunit ataatsimut inassutigineqartut pillugit isumaqatigiissinnaanngippata
kommunimit inassutigineqartut akornanneersumik Naalakkersuisut toqqaassapput.”

3. § 4-mi imm. 4-p kingorna immikkoortut nutaatut ilanngunneqassapput:

” Imm. 5. Kattuffiit imm. 2, nr. 1, 3 aamma 4-mi eqqaaneqartut arlaat taaguuminik
allannguissagaluarpat inassuteqarneq taassumanna isumagineqassaaq.

Imm. 6. Kattuffiit imm. 2, nr. 1, 3 aamma 4-mi eqqaaneqartut
atorunnaarsinneqassagaluarpata Naalakkersuisut ilaasortamik toqqaassapput kattuffiup
atorunnaarsinneqartup suliasaqarfigisimasaanik ilisimannittumik.”

Imm. 5-9 tamatuma kingorna imm. 7-11-nngussapput.

4. § 7-ip kingorna una ilanngunneqassaaq:

” § 7 a. Nunatta Isiginnaartitsisarfia atorfinitsitsinermut tunngatillugu atugassarititaasut
allallu pissutsit eqqarsaatigalugit, atorfeqarnermi soraarsitsinermilu pissutsinut
tunngaviumik isumaqatigiissummi Kalaallit Nunaata Isiginnaartitsisarfiata
Naalakkersuisullu akornanni isumaqatigiissutaasumi isumaqatigiissutigineqartut iluanni
sulissalluni pisussaaffeqarpoq, tak. imm. 2.

Imm. 2. Tunngaviumik isumaqatigiissut minnerpaamik atorfinitseriaatsit, tunngaviumik
akissarsianut qaffasissutsit, tapit, akissarsiat iluarsiiiffigisarnerat, pensionisianut

ilanngussisarneq aamma atorfinitsitsinermi nalinginnaasumik atugassarititat pillugit aalajangersakkanik imaqassaaq.”

§ 2

Inatsisartut Inatsisaat manna 1. august 2019 atuutilissaaq.

Namminersorlutik Oqartussat, ulloq 12. juni 2019



Kim Kielsen